

Tuhaqtitaujukhaq

Qilamik Tuhaqtitaujuqhaq

**Kavamatkut Nunavunmi naunaihijut Inuktitut titiraqhimajunun-
uqaqtaujut nipiliurutikkut aulapkaininga, quviahuutigijaat ikajuutait
avatiini Nunavut**

Iqaluit, Nunavut (Ubluirvia 6, 2024) – Kavamatkut nunavunmi, havaqatigiblugit ukua Microsoftkut, quviahungnikkut tuhaqtitijut aularutaagut Inuktitut titiraqhimajunun-uqaqtaujut nipiliurutikkut aulapkaininga hamani Azure AI Speech kivgaqtuutaini. Titiraqhimajunun-uqaqtaujut nipiliurutikkut piinariaiaqijut uvani Edge qiniqhiaviani, atuqhugit Taiguaqniq Nipiquqtujumik, unalu Microsoft Numiktirutaa uvani Bingmi, aalaniklu Microsoft uuktuutaini ilaliutijukhat uvani 2025mi. Una iniqtirninga, ilaujuq tamaqtailinirmun Akhuurutiginirmun Inuktitut Qaritaujakkut Havaakhaq, hivuliqhuqtaujuq ukunanga Havakvianin Pituqhiliqijitkut, takunaqtuq amigaituni ukiuni akhuurutit, nunallaanin-pihimajuq akhuurutit uqauhiq piinariaiaqijaangani ilaujuglu ubluni inuunirmun inuuhiq Nunavunmi.

“Una havaqatigiingniq naunaijautaujuq hakugingnirmik havaqatigiingnirmun ukualu akhuurutit ihuaqhainiq pitquhirmun ajungnaqtukkullu. Uqauhiq pidjutaujukhaq pihimaniq Inuktut atuqhimaarnira akhuungnaqtuq atugahaq tamaqtailinirmun pituqhiqqut, ingilraanin ukpirijajut,” uqaqtuq Hivuliqti P.J. Akeeagok, Ministaa Pitquhiliqijitkut. “Una havaakhaq pijaaqtuq taimaali akhut havakpauhiit akhuurutaillu Nunavunmiut avatiini aviktuqhimajup, amigaitut kitut tunihijut inmi ilihimajamingnik ajuitamingniklu pijaangani una uuktuut atuliqtaujaangani. Akhuurutit naunaijautaujuq aulahimaaqtumik pijaarniq Inuktut qaritaujaligijut-ajuitut nutaqqat inulramiillu.”

Havakhugit nakuunikkut hivuani quviahuutit—ilaujut ilituqhaidjutit haffuminga titiraqhimajunun-uqaqtaujut nipiliurutikkut [Inuktitut qaniujaqpait](#) uvani 2021 unalu [Qaliujaqpait ukualu Inuinnaqtun](#) uvani 2022—Roman orthography aulapkaininga amigaiquumirutijuuq pijaarnirmun uqauhiq. Atuqhugit nipiliuqhimajut uqadjariktunin nunallaani, Microsoftmi uqauhiq atuqtaujuq ilihaqtitaujuq uqariangani Inuktitut. Atuqhugit hivumuqhimajut AI ajungnaqtuliquitit, malruk nipik havaktauhimajuk uvani Azure Speech AI family, **Siqiniq (atnaq)** unalu **Taqqiq (angut)**. Aularutaa titiraqhimajunun-uqaqtaujut nipiliurutikkut aulapkaininga Inuinnaqtun niriuktaujuq uvani 2025mj.

“Hacaqatigiingnikkut, attautimuktavut nutaat ukua, AI technology ukununga pitquhikkut Inuit uqauhiinun,” uqaqtuq Chris Barry, angijuqaanga hapkua Microsoft Canada. “Una havaaq ilituridjutauijuq arlingaqtumik hakugingnirmik havaqatigiingnirmun havaqiangani

